

仁山智水



梁 东(北京)

晋南觅踪

壶口黄河瀑布

秦晋交融怀抱中，落天走海御长风。
束收激越声难似，宽放雍容梦不同，
揽尽人间污浊水，还来云汉净冷空。
大柔利物终无己，夺路当知上善功。

尧王庙

启蛰通津日月开，贤君草莽一声雷。
乾坤揖让尧王庙，世代神追击壤台。
注：尧王故里在今临汾城郊。

秋风楼

秋风飞动大王辞，箫鼓旌旗入酒卮。
汾水中流激浪起，歌吹还唱少年时。
注：汉武帝曾在汾阴(今万荣)大祭庆典作《秋风歌》。

杨逸明(上海)

癸巳谷雨与诸诗友龙华寺塔影苑小聚

远朋新茗对高窗，三月江南聚一堂。
风送春林生命绿，雨添古刹岁华黄。
池中塔影珍藏宋，云外钟声直达唐。
归去定知多感悟，小诗应带佛前香。

登西塞山

千秋故垒一登临，揽胜何辞汗湿襟。
江水急弯成直角，山亭环望作圆心。
人须有鉴常怀古，天却无言已到今。
骚客尚存兴废感，来寻铁锁久沉吟。

访黄州东坡赤壁

少年时读大江东，赤壁来游我已翁。
一叶扁舟虽渺远，几行遗墨尚豪雄。
风流岂在周郎后，气骨长存汉字中。
千载用之能不竭，小亭危阁带神功。

邓世广(新疆·乌鲁木齐)

初游雁荡山

翠微深处净无尘,待觅清辞记写真。
未敢匆忙轻动笔,只缘陶醉久凝神。
新篇难尽登临意,秀色思留弃置身。
欲把龙湫裁一截,携归大漠伴诗人。

访雁荡山观音洞

焚香燃烛气氤氲,梵呗声声祝颂频。
洞傍龙湫山有幸,名扬雁荡梦成真。
毋将地位酬私仆,宜使天恩到小民。
菩萨果然能普渡,多多益善塑金身。

胡迎建(江西·南昌)

晋城陵川锡崖沟

太行岿然秋烟紫,锡崖崑崙挂霞绮。
别有桃源隔尘寰,委积山珍难入市。
而今隧洞通其间,海客相邀觅瑰美。
我来恰逢天气清,周遭莽嶂撑天峙。
眼前鬼斧劈巨岩,断崖参差石齿齿。
日月漏泄一线光,疑是罅窟裂地底。
山鬼蛟精藏其中,千丈深渊巉崖诡。
瀑丝飘涧杳无声,涧深窈不见其止。
魂惊魄悸急掉头,犹留身影坠麓趾。

林启鸿(广东·珠海)

养顶山即景

登高乘兴恰如期,处处风光处处诗。

一片残霞无去处,西山尽被抹胭脂。

傅瑜(浙江·云和)

仙霞古道

浙闽咽喉自古传,风尘苦旅越千年。
盘旋石级九天接,夹峙峰峦一水穿。
历史悠悠温变故,雄关漫漫壮吟篇。
昔时烽火今何在,尽化满山红杜鹃。

孙志翔(江苏·淮安)

古黄河晨景

曙色初开立小桥,溪流过处荡心潮。
霏霏细雨蛙声起,一缕诗情上柳条。

漫步洪泽湖大堤

落霞孤鹜绕苍山,秋水无垠漫远滩。
帆影疑从天上落,渔民荡桨载歌还。

傅祖民(浙江·丽水)

鹤溪夜景

一川蛙鼓动山城,玉树琼花耀眼明。
更有虹桥疑鹊渡,游人恰似九天行。

叶爱莲(浙江·丽水)

景宁畲乡拾韵

小城灯火映长空,玉树繁英彻夜红。
五彩虹桥迎贵客,一湾春色醉东风。



赵忠全(黑龙江·哈尔滨)

倒影琼楼童话里,难忘阆苑品鱼餐。

昆明翠湖感怀

金镶绿染一明珠,更醉银鸥闹翠湖。
寂静楼台人莫语,清吟依旧入诗书。

杨学军(江苏·宿迁)

参观郢城水浒城

举步叹回环,新城现旧颜。
临门听一吼,好汉下梁山。

王 骏(浙江·杭州)

灵峰月下听梅

月色空蒙小路迷,暗香风引过峰西。
梦坡当日应知我,来听飞花落雪溪。
注:梦坡,周庆云(1864-1933),清末民初实业家、诗人。清宣统元年,在灵峰新植梅三百余棵。

王家麟(江苏·东海)

游西湖

烂漫桃花醉客魂,轻舟摇醒一湖春。
六桥烟柳拂衫袖,顾影疑为天上人。

题《西溪人家》

寂寂河滩曲曲湾,小舟荡皱镜中山。
渔歌岁月桨声里,水自悠悠云自闲。

游浙西大峡谷兼寄人

山高林密石横空,白练滔滔落九重。
小径蜿蜒迟客旅,吊桥飘忽走蛟龙。
时闻崖顶惊沙响,常见溪间涌浪汹。
幸有祥云来足下,轻轻载我上巅峰。

雪后慢行西溪谷(新声韵)

踏雪西山步履轻,林间幽静碧峰青。
梵音回荡云中寺,珠玉飞流涧上亭。
松径蜿蜒彩霞舞,茶园翻涌绿烟升,
桃源岭下探春意,春在寒梅勃勃萌。

李青葆(浙江·青田)

雨中漂流九曲溪

碧水清流十八弯,霏霏烟雨润仙颜。
长篙送我去何处?诗海蓬莱画里山。

杨 威(新疆·石河子)

游青格达湖

飞驰画舫水云间,谁把西湖大漠迁?
花木葱笼天外景,波光潋滟景中天。
翩翩鸥鹭鸣新语,灿灿霓霞生玉烟。

景宁雪花漈

寒塘软禁志难酬,一旦闸开歌自由。
有梦不愁前路险,悬崖化雪赶潮流。
注:漈,即瀑布。

蔡厚示(福建·福州)

重五柳江夜游

一川绿玉拥尖山,万户粽香漫八蛮。
十七飞虹光眩目,骚朋共我水云闲。

上思云雾山庄作

独赏清幽坐水旁,溪声宛转鸟声扬。
问君心净何能尔?十万山光洗浊肠。

福鼎九里溪漂流

九里清溪安县详,滩声筏影浴山光。
如何得娉支矶女?碧水蓝天作洞房。

福州西湖早春

千树桃争艳,鹃花次第红。
谁知路边草,犹掩紫萝丛?

胡鉴明(湖北·黄石)

云南丽江古城

雪山高耸入云端,汨汨清流六月寒。
街市悠然溪水绕,民居雅致草花环。
瑶琴歌舞传神韵,壁画巴文壮大观。
三百古桥杨柳岸,游鱼泼泼耐人看。

余汉武(湖南·望城)

题江西龙虎山

群峰迤邐与天齐,万叠朝东望眼迷。
霞彩千层张画谱,娇娥四季濯花溪。

功名梦在山中醒,风雅诗朝壁上题。
端合尘缘消未尽,无人午夜觅云梯。

魏厚笃(河南·南阳)

喜看伏牛山路遥

秦楚咽喉地,峰峦叠嶂高。
劈山筑公路,涉水架虹桥。
汗洒城乡满,车盘界岭遥。
欣看网连后,指日小康饶。

胡澍沛(浙江·杭州)

游刘公岛

烟尘甲午黯玄黄,登岛寻遗吊国殇。
浴血忠良钦有节,丧权君相竟无方。
百年片纸金瓯缺,万众齐心禹域昌。
前事不忘殷鉴在,长留浩气壮尧疆。

题《西湖诗社雅集图卷》

西湖奇秀数峰青,曲径幽微列翠屏。
觞咏骋怀飞逸兴,老身疑是在兰亭。

徐 风(浙江·杭州)

张家界遐想

博浪椎秦九域惊,仙乡始扎子房营。
千峰执戟凌霄立,百壑缘溪听凤鸣。
雾锁瑶台浑隔世,林封幽谷暗摇旌。
筹谋夺取中原鹿,留得张家万代名。



朱一鸣(四川)

故里游

寻芳独步兴冲冲,岭上桃花映日红。
广厦连云排左右,通街衢道贯西东。
三农惠政播时雨,万户脱贫改旧容。
昔读桃源疑是梦,如今却在故园逢。

谒屈子祠兼寄台湾旧雨

瞻仰灵均日影西,碑文阅罢引遐思。
湘江汨水镌碑志,荆楚容城建屈祠。
旷野田园腾锦浪,丰衣足食慰先师。
问君何日登归棹,共访离湖读楚辞。

蒋光琴(浙江·杭州)

游岳王庙

栖霞南麓西湖北,有幸英灵此永眠。
挂帅抗金存半壁,精忠报国战中原。
佞臣遗臭陵前跪,武穆留芳域外传。
休问岳飞今几岁,名垂青史万千年。

徐中秋(浙江·台州)

登白云阁

台州风物一望收,江自滔滔海自悠。
闲事连年心绪乱,青山几度白云浮。
北方频下冷空气,南国时来暖湿流。
不测阴晴愁里过,栏杆拍后莫登楼。

孔汝煌(浙江·杭州)

九寨沟

天公乘兴作三丫,醉墨倾情彩笔斜。
顿挫为池飞白瀑,淋漓一路散琼花。

夜宿峨眉黑水村

清风送梦出嘉州,溪水潺湲枕上幽。
涤罢三江尘未净,来朝山月半轮秋。

无锡灵山大佛晤孔子铜像

犹忆伤心巴米扬,灵山此处胜家乡。
怀仁克己真知我,始信人间有让王。

雕花楼印象——呼唤“美美与共”

雕形琢骨旧风流,法彩琉璃国色酬。
厅阁清幽人不见,紫薇花谢半园秋。

毛谷风(广东·深圳)

壬辰八月十八观钱塘潮

隐隐雷声起海东,胥涛卷处雾冥蒙。
长驱铁骑千蹄疾,倒挽银河万派空。
冲浪人夸洋倩女,咏潮吾羨宋坡公。
遥思亚马孙河上,伟力差堪与此同^①。
注:南美洲亚马孙河河口一年仅有两次大潮,潮水逆流而上达千余公里,狂澜汹涌,壮观无比。